

# MATEMATIČKE METODE U U RAČUNARSTVU

## – II računske vježbe

### Zadatak 1.

Niz  $L_n$  je definisan rekurzivno:

$$L_0 = 5 \tag{1}$$

$$L_n = 2L_{n-1} - 7 \text{ za } n \geq 1. \tag{2}$$

Koristeći se matematičkom indukcijom pokažite da je:

$$L_n = 7 - 2^{n+1}. \tag{3}$$

Rješenje:

1. Po definiciji iz (2), za  $n = 1$ , biće

$$L_1 = 2 \cdot L_0 - 7 = 2 \cdot 5 - 7 = 3,$$

a po pretpostavci iz (3) biće

$$L_1 = 7 - 2^2 = 7 - 4 = 3,$$

dokazujući da je izraz tačan za  $n = 1$ .

2. Uzmimo neko  $n \geq 1$  i pretpostavimo da za njega važi da je  $L_n = 7 - 2^{n+1}$ . Treba dokazati da će, uz uvedenu pretpostavku, niz dobijen za  $n + 1$ , biti

$$L_{n+1} = 7 - 2^{n+2}.$$

Iskoristimo rekurzivnu relaciju i napišimo  $L_{n+1}$  u obliku datom u (2)

$$2L_n - 7 = 7 - 2^{n+2}$$

$$2L_n = 7 - 2^n \cdot 2^2 + 7$$

$$2L_n = 14 - 2^n \cdot 4.$$

Ako podijelimo prethodni izraz sa 2, dobijamo:

$$L_n = 7 - 2^n \cdot 2 = 7 - 2^{n+1},$$

što smo i trebali dokazati.

## Zadatak 2.

Riješiti diferencnu jednačinu  $S(n) - 7S(n-1) + 10S(n-2) = 6 + 8 \cdot n$ , uz početne uslove:  $S(0) = 1$  i  $S(1) = 2$ .

Rješenje: U pitanju je nehomogena jednačina, ona se može rješavati tako što pronađemo opšte rješenje odgovarajuće homogene jednačine  $S_H(n)$ , i jedno partikularno rješenje nehomogene jednačine  $S_P(n)$ . Opšte rješenje nehomogene jednačine je jednako sumi opšteg rješenja odgovarajuće homogene jednačine  $S_H(n)$  i partikularnog rješenja nehomogene jednačine  $S_P(n)$ :

$$S(n) = S_H(n) + S_P(n)$$

Najprije rješavamo odgovarajuću homogenu jednačinu:

$$S(n) - 7S(n-1) + 10S(n-2) = 0.$$

Njena karakteristična jednačina je:

$$\lambda^2 - 7\lambda + 10 = 0$$

a njena rješenja (karakteristične vrijednosti) su:

$$\lambda_{1,2} = \frac{7 \pm \sqrt{49 - 4 \cdot 10}}{2} = \frac{7 \pm \sqrt{9}}{2}$$

$\lambda_1 = 5$  i  $\lambda_2 = 2$ . Dakle, opšte rješenje odgovarajuće homogene jednačine biće:

$$S_H(n) = A_1 \cdot 5^n + A_2 \cdot 2^n$$

Partikularno rješenje tražimo u obliku koji odgovara desnoj strani nehomogene jednačine:

$$S_P(n) = a \cdot n + b,$$

jer nijedna karakteristična vrijednost nije jednaka jedinici.

Uvrštavanjem  $S_P(n)$  u polaznu jednačinu dobijaju se koeficijenti  $a$  i  $b$ :

$$a \cdot n + b - 7(a(n-1) + b) + 10(a(n-2) + b) = 6 + 8 \cdot n,$$

$$(4a)n + (4b - 13a) = 6 + 8n.$$

Da bi gornji izraz bio tačan za svako  $n$  mora biti  $4b - 13a = 6$  i  $4a = 8$ , odakle dobijamo  $a = 2$  i  $b = 8$ . Dakle niz:

$$S_P(n) = 2n + 8$$

je rješenje polazne nehomogene jednačine.

Sada opšte rješenje polazne, nehomogene, jednačine dobijamo kao sumu  $S(n) = S_H(n) + S_P(n)$ , odnosno:

$$S(n) = A_1 \cdot 5^n + A_2 \cdot 2^n + 8 + 2n$$

Iskoristićemo početne uslove da bismo odredili konstante  $A_1$  i  $A_2$ :

$$S(0) = 1 \text{ povlači } A_1 + A_2 + 8 = 1$$

$$S(1) = 2 \text{ povlači } 5A_1 + 2A_2 + 8 + 2 = 2$$

Rješavanjem ovog sistema jednačina dobija se:  $A_1 = 2$  i  $A_2 = -9$ , pa je traženo rješenje rekurzivne relacije niz:

$$S(n) = 2 \cdot 5^n - 9 \cdot 2^n + 8 + 2n.$$

### Zadatak 3.

Riješiti diferencnu jednačinu  $S(n) - 6S(n-1) + 5S(n-2) = -8n + 14$ , uz početne uslove:  $S(0) = 0$  i  $S(1) = 2$ .

Rješenje: U pitanju je nehomogena jednačina, ona se može rješavati tako što pronademo opšte rješenje odgovarajuće homogene jednačine  $S_H(n)$ , i jedno partikularno rješenje nehomogene jednačine  $S_P(n)$ . Opšte rješenje nehomogene jednačine je jednako sumi opšteg rješenja odgovarajuće homogene jednačine  $S_H(n)$  i partikularnog rješenja nehomogene jednačine  $S_P(n)$ :

$$S(n) = S_H(n) + S_P(n)$$

Najprije rješavamo odgovarajuću homogenu jednačinu:

$$S(n) - 6S(n-1) + 5S(n-2) = 0.$$

Njena karakteristična jednačina je:

$$\lambda^2 - 6\lambda + 5 = 0$$

dok su rješenja karakteristične jednačine:

$$\lambda_{1,2} = \frac{6 \pm \sqrt{36 - 4 \cdot 5}}{2} = \frac{6 \pm \sqrt{16}}{2}$$

odnosno  $\lambda_1 = 1$  i  $\lambda_2 = 5$ , tako da će opšte rješenje homogene jednačine biti:

$$S_H(n) = A_1 \cdot 1^n + A_2 \cdot 5^n = A_1 + A_2 \cdot 5^n$$

U slučaju kada je desna strana rekurzivne jednačine oblika  $a_0 \cdot n + b$ , partikularno rješenje tražimo u obliku  $S_P(n) = a \cdot n + b$  kada  $\lambda = 1$  nije rješenje karakteristične jednačine. Budući da u našem slučaju  $\lambda_1 = 1$  **jeste** jedno rješenje karakteristične jednačine, partikularno rješenje tražićemo u obliku:

$$S_P(n) = n(a \cdot n + b),$$

Da bi odredili konstante  $a$  i  $b$ , uvrstimo  $S_P(n)$  u polaznu jednačinu:

$$\begin{aligned}
n(a \cdot n + b) - 6(n-1)(a(n-1) + b) + 5(n-2)(a(n-2) + b) &= -8n + 14 \\
n^2(a - 6a + 5a) + n(-8a - b) - 6a + 6b + 20a - 10b &= -8n + 14 \\
n(-8a - b) + 14a - 4b &= -8n + 14b
\end{aligned}$$

Da bi prethodni izraz bio tačan za svako  $n$ , treba da važe sljedeće jednakosti:  $-8a - b = -8$  i  $14a - 4b = 14$ , odakle dobijamo da je  $a = 1$  i  $b = 0$ . Dakle, jedno rješenje (partikularno) polazne nehomogene jednačine je:

$$S_P(n) = n(1 \cdot n + 0) = n \cdot n = n^2$$

Sada opšte rješenje polazne, nehomogene, jednačine dobijamo kao sumu  $S(n) = S_H(n) + S_P(n)$ , odnosno:

$$S(n) = A_1 + A_2 \cdot 5^n + n^2$$

Iskoristićemo početne uslove da bismo odredili konstante  $A_1$  i  $A_2$ :

$$S(0) = 1 \text{ povlači } A_1 + A_2 \cdot 5^0 + 0^2 = A_1 + A_2 = 0$$